

BULETIN

MIMBAR

BIL 139 (04/2017) / OKT-DIS 2017

WARTA KEGIATAN LEMBAGA AMANAH KEBAJIKAN MASJID NEGERI SARAWAK

PERCUMA



**HAFAZ AL-QURAN
KETIKA MUDA**

**TADIKA TAHFIZ
TUN ABDUL-RAHMAN YA'KUB
LAHIRKAN GENERASI AL-QURAN**

SIDANG REDAKSI

PENAUNG

Yang Berbahagia Tan Sri Datuk Amar Haji Bujang bin Mohd Nor Setiausaha Kehormat Lembaga Amanah Kebajikan Masjid Negeri Sarawak

PENASIHAT

Tuan Haji Mohamad Sabry bin Haji Othman Pengurus Besar Lembaga Amanah Kebajikan Masjid Negeri Sarawak

EDITOR

Megawati binti Haji Julaihi Ketua, Sektor Pentadbiran dan Pengurusan

Nona Zaharia binti Fadzil Ketua, Sektor Korporat dan Kewangan

PENGARANG

Noratini binti Sebri Ketua, Bahagian Pengurusan Sumber Manusia

Haryati binti Mohamad Ketua, Bahagian Penyelidikan dan Pembangunan

Poniman bin Margiman Ketua, Bahagian Keselamatan

PENOLONG PANEL EDITOR

Rahimah binti Ariffin, Guru MATTARY Misiah binti Wajhi, Guru MATTARY Azlyn binti Abdul Rahman, Guru MATTARY Nurul Iksan binti Bohari, Guru MATTARY

Wacana Pengarang

Dengan nama Allah Yang Maha Pemurah Lagi Maha Penyayang, syukur atas segala limpah kurniaan Nya kepada kita. Selawat dan salam buat Baginda Rasulullah S.A.W., kepada ahli keluarga Baginda, para sahabat Baginda.

Assalamualaikum warahmatullahi wabarakatuh

Alhamdulillah, segala puji bagi Allah S.W.T. di atas kurniaan rahmat dan dipanjangkan usia di mana kita sebagai hambanya dapat merasai nikmati istiqamah yang diberikan sepanjang tahun 2017.

Pembaca yang dirahmati Allah S.W.T. sekalian, Pengarang ingin mengajak pembaca yang budiman untuk merenung sejenak serta muhasabah diri dengan segala pelajaran dan pengajaran yang diperolehi dari kesempatan hidup yang Allah S.W.T. berikan hingga kita masih dapat meneruskan perjuangan hingga akhir tahun 2017 ini.

Pelajaran yang terbesar yang kita dapat ialah sesungguhnya Allah S.W.T. masih memberikan kesempatan kepada diri kita supaya melakukan *muhasabatun nafsi* iaitu introspeksi diri secara total. Menurut kamus Dewan Bahasa dan Pustaka Edisi Keempat, introspeksi bermaksud proses penilaian diri (fikiran, idea, perasaan) dengan mendalam (biasanya dalam tempoh yang agak lama) atau erti kata lain muhasabah diri. Introspeksi diri merangkumi iman, ibadah, akhlak, pergaulan, tanggungjawab dan gaya hidup yang berkait rapat dengan kehidupan kita selama setahun atau sebelumnya.

Pembaca yang budiman sekalian, Sesungguhnya *muhasabatun nafsi* adalah kunci utama dalam kehidupan kita kerana kita secara tuntasnya dapat mengetahui kelebihan dan kekurangan yang ada pada diri kita pada waktu lalu dengan memperbaiki pada hari ini dan mempersiapkan untuk waktu yang mendatang.

Oleh yang demikian, dengan *bermuhasabatun nafsi*, hidup kita akan terus berkembang malah dapat perolehi kejayaan. Bahkan, kita dapat mengetahui hakikat dan persoalan diri kita atau amalan yang kita lakukan kerana ia merupakan bekalan menuju perjalanan akhirat yang sememangnya kekal dan pasti.

Mengakhiri tahun 2017 ini, edisi Buletin Mimbar pada kali ini berwajah baharu dengan susunan dan rekaan yang lebih menarik dan segar agar pembaca mudah terhibur dan memperolehi manfaat. Insha Allah.

Akhir kalam, Selamat Tahun Baru 2018. Wassalam.

BULETIN MIMBAR EDISI 139 (OKT-DIS 2017)

> KANDUNGAN



08



10



18



21

- 4 DARI HULU KE MUARA
Masjid Darul Islam Syukur Bersatu, Kampung Melayu, Kota Samarahan
- 5 Imarah Masjid Dan Surau
- 6 Rahmat Di Sebalik Kelahiran Rasulullah S.A.W.
- 8 SUKMATTARY 2017
- 9 Program Meet & Greet
- 10 Majlis Konvokesyen Tadika Tahfiz Tun Abdul-Rahman Ya'kub
- 12 Majlis Penyampaian Hadiah MATTARY 2017
- 13 Majlis Graduasi MATTARY 2017

- 14 Berita Bergambar
- 16 Seruan Mimbar
- 18 Program Pemerkaasan Eksekutif
- 19 Kursus Pedagogi Pendidikan Guru-Guru MATTARY
- 20 Pengurusan Kesihatan Keluarga
- 21 Majlis Perbarisan Tamat Latihan Kursus Asa Polis Bantuan
- 22 Haflah Fanniyah (HAFA')
- 23 Pengurusan Kewangan Ah Long Durjana, Anda Merana
- 24 Profil Warga LAKMNS

HULU KE MUARA

BAHAGIAN MASJID-MASJID



MASJID DARUL ISLAM SYUKUR BERSATU KAMPUNG MELAYU ERA 60-AN



MASJID DARUL ISLAM SYUKUR BERSATU KAMPUNG MELAYU, KOTA SAMARAHAN

Masjid Darul Islam Syukur Bersatu, Kampung Melayu, Kota Samarahan menjadi pengisian ruangan Dari Hulu Ke Muara pada edisi Mimbar pada kali ini.

Menjengah sekira tahun 1960-an, masjid ini mula menelusuri perjuangan dalam memartabatkan syiar Islam setelah dibina secara bergotong-royong oleh penduduk kampung, walaupun pada mulanya sumber dan bantuan peruntukan bagi pembinaan masjid ini adalah terhad. Permulaan pembinaan masjid ini telah dipermudahkan lagi dengan wujudnya hubungan ukhuwah yang telah sekian lama terjalin dan kukuh selain nilai permuafakatan dan silaturrahim dibina di atas sebidang tanah yang telah diwakafkan oleh keluarga Tuan Haji Yusuf.

Struktur asal pembinaan tiang Masjid Darul Islam Syukur Bersatu ialah masjid ini menggunakan kayu belian dan dikukuhkan lagi dengan

lingkaran dinding kayu tempatan termasuklah kayu ulin selain berbungkan dengan atap daun nipah.

Sebagai inisiatif dan kepekaan pemimpin kepada rakyat, pada awal tahun 1980-an, masjid ini telah mengalami fasa baharu apabila keseluruhan struktur binaan telah mendapat peruntukan berjumlah RM80,000 yang telah disumbangkan Kerajaan Negeri Sarawak melalui Menteri Muda Pembangunan Tanah pada ketika itu iaitu Allahyarham Yang Amat Berhormat Pehin Sri Tan Sri (Dr.) Haji Adenan bin Haji Satem, mantan Ketua Menteri Sarawak.

Pada tahun 1991, Allahyarham Yang Amat Berhormat Pehin Sri Tan Sri (Dr.) Haji Adenan bin Haji Satem, mantan Ketua Menteri Sarawak telah merasmikan bangunan baharu Masjid Darul Islam Syukur Bersatu

yang menggunakan komponen utama berdasarkan konkrit, batu bata dan beberapa lapisan bumbung yang direkabentuk khas bagi aliran ruang pengudaraan semulajadi, manakala mihrabnya pula telah dihiasi seni khat al-Quran serta prasarana yang lengkap cukup bagi kemudahan masyarakat setempat untuk menjalankan ibadah.

Dewan sembahyang utama masjid ini dapat menampung sejumlah 250 jemaah dalam satu-satu masa dan Dewan Serbaguna telah dibina bersebelahan dengan Masjid Darul Islam Syukur Bersatu bagi kemudahan dan keselesaan penduduk Kampung Melayu.



Imarah MASJID & SURAU

BAHAGIAN MASJID-MASJID

Program Lawatan Silaturahim, Penyebaran Maklumat dan Pengimaran Masjid dan Surau meneruskan misi mingguan Unit Penyelaras Kegiatan, Bahagian Masjid-Masjid ke lokasi-lokasi di sekitar Bahagian Kuching, Kota Samarahan dan Serian.

Hasrat Lembaga Amanah Kebajikan Masjid Negeri Sarawak (LAKMNS) adalah bertujuan untuk meningkatkan ikatan ukhuwah bersama Institusi Masjid dan Surau luar yang memerlukan maklumat mengenai aktiviti serta peranan LAKMNS yang boleh dikongsikan bersama. Program lawatan yang dimulakan sejak tahun 2000 ini mendapat sambutan yang amat baik oleh Jawatankuasa dan Qariah Masjid dan surau luar yang diziarahi.

Lawatan diketuai oleh Dato Haji Nahrawi bin Haji Abdul Rahman, Pegawai Perhubungan, LAKMNS serta beberapa orang Pegawai dan kakitangan Bahagian Masjid-Masjid.

Pengisian program dimulakan dengan azan dan sembahyang Maghrib berjemaah.

Kemudian aturcara diteruskan dengan ucapan aluan oleh Pengurus Masjid atau Surau. Sejurus selepas itu, taklimat penyebaran maklumat berkenaan fungsi, program dan aktiviti LAKMNS oleh Ustaz Khairul Anam Hazmizan bin Hasli, Pegawai Pentadbiran Masjid Bandaraya Kuching.

Sesi Program diteruskan lagi dengan tazkirah amal yang ringkas oleh beberapa orang Pegawai yang hadir seperti Dato Haji Nahrawi bin Haji Abdul Rahman, Ustaz Zaimi bin Sakawi dan Ustaz Abdul Rahman Iqbal bin Aldi. Tema intipati tazkirah yang disampaikan ialah 'Perpaduan Melalui Institusi Masjid'. Sebagai mengakhiri program lawatan silaturrahim, penyebaran maklumat dan pengimaran ini, diadakan satu sesi penyampaian cenderamata kepada Jawatankuasa Masjid serta sesi fotografi dijalankan sebelum sembahyang Isyak berjemaah.

Diharapkan program lawatan yang dilaksanakan ini dapat memberi impak yang positif dan mendapat keberkatan dari Allah S.W.T.

Beberapa siri Lawatan Sepanjang Oktober hingga Disember 2017 ialah seperti berikut:

1. **Masjid Darul Taqwa, Daerah Lundu**
2. **Surau Taman Banjaran Serapi, Jalan Matang Singgeh, Kuching**
3. **Surau Darul Munawwar, Kampung Bunga Siantan, Serian**
4. **Surau Darul Ihsan, Kampung Sungai Bilis, Sadong Jaya**
5. **Masjid Darul Islam Syukur Bersatu, Kampung Melayu, Kota Samarahan**
6. **Surau Nurul Islam, Kampung Pugu, Sematan**
7. **Masjid Darul Ehsan, Kampung Reban, Serian**
8. **Masjid Darul Taqwa, Kampung Melayu, Tebakang, Serian**

Rahmat di sebalik kelahiran
RASULULLA

Sejarah telah mencatatkan 12 Rabiulawal merupakan hari yang bersejarah kerana pada tarikh tersebut lahirnya individu yang paling berpengaruh dalam sejarah dunia. Baginda bukan sahaja membawa misi kemanusiaan tetapi juga mengabdi dan dikurniakan ke seluruh alam seperti yang tel

“Dan tiadalah Kami mengutuskan engkau(wahai Muhammad), melainkan untuk menjadikan rahmat bagi sekalian alam.”
(Surah al-Anbiya: 108)



apabila Rasulullah S.A.W. telah berjaya mendamaikan dua kabilah Arab yang sering berperang di kawasan Madinah iaitu kaum Aus dan Khazraj sebelum Baginda melakukan hijrah ke Madinah. Di antara dua kabilah tersebut, akhirnya mereka menjadi tulang belakang kepada kekuatan Daulah Islamiah di Madinah.

Melihat kepada gagasan Piagam Madinah juga terselit rahmat perpaduan yang berjaya dilaksanakan oleh Rasulullah S.A.W. Piagam ini bukan sahaja mengambil kira hak setiap kaum dan kabilah di Madinah, bahkan mementingkan perpaduan dan keharmonian setiap komuniti agama yang ada di Madinah termasuk komuniti Kristian, Yahudi dan masyarakat Islam. Hal ini seharusnya diperhatikan malah cuba diamalkan dalam menjaga keharmonian kaum khasnya di Malaysia yang berbilang kaum dan agama.

Formula utama yang menjadikan konsep perpaduan yang dibawa oleh Nabi Muhammad S.A.W. ini sangat berjaya adalah kerana kerangka asasnya didasari dengan kebersamaan anggota masyarakat dalam hubungan akidah Islamiah dan bukanlah didirikan dengan mengambil kira pangkat atau status bangsa seseorang.

Hal ini juga dijelaskan oleh Ibnu Khaldun dalam kitabnya Muqaddimah yang menyebut bahawa perpaduan yang dibina atas dasar akidah Islam adalah yang paling utuh kerana ia tidak mempunyai diskriminasi dan kasta bangsa.

Oleh yang demikian, umat Islam seharusnya bersyukur dan beruntung kerana lahirnya Nabi Muhammad S.A.W. bukan sahaja membawa rahmat iman, bahkan membawa rahmat perpaduan yang sangat penting dalam kehidupan kini melihat kepada situasi negara yang berbilang kaum, agama dan bangsa.



SUKMATTARY

SUKAN MA'HAD TAHFIZ TUN ABDUL-RAHMAN YA'KUB

Ma'had Tahfiz Tun Abdul-Rahman Ya'kub (MATTARY) telah mengadakan Hari Sukan MATTARY (SUKMATTARY) pada 1 dan 2 November 2017 bertempat di Sekolah Kebangsaan Pendidikan Khas, Kuching Sarawak.

Terdapat 19 acara sukan telah dipertandingkan untuk tahun 2017. Antaranya, acara lari 100m, 200m, 4 x 100m, 4 x 200m, Lumba Jalan Kaki, Lontar Peluru dan lain-lain. Setiap acara dikategorikan mengikut kategori A untuk murid tahun enam dan tahun lima, kategori B untuk murid tahun empat dan tiga manakala kategori C untuk murid tahun dua dan satu.

Hari pertama dimulakan dengan sesi memanaskan badan dan senamrobik oleh semua murid dan guru yang dikenali oleh Cikgu Mohd Fadilah bin Junaidi. Selepas itu, taklimat ringkas berkenaan hari sukan disampaikan oleh Cikgu Siti Zahrah binti Abdul Jalil.

Majlis penutupan Hari Sukan MATTARY (SUKMATTARY) 2017 telah disempurnakan oleh Puan Dayang Siti Aishah Binti Mohamad Atei, Wakil Ketua, Bahagian Pelajaran, Lembaga Amanah Kebajikan Masjid Negeri Sarawak (LAKMNS).

Murid-murid gigih berusaha dalam setiap acara yang dipertandingkan



“Program MEET & GREET”

BAHAGIAN PELAJARAN

Islam memandang musyawarah sebagai salah satu hal yang amat penting bagi kehidupan insani bukan sahaja dalam kehidupan berbangsa dan bernegara bahkan dalam kehidupan berumahtangga.

Ini terbukti dari pesanan Rasulullah S.A.W. melalui hadis yang menyeru umat Islam supaya bermusyawarah dalam memecah pelbagai persoalan dan kebuntuan.

Pada 4 November 2017 yang lalu, para guru Ma'had Tahfiz Tun Abdul-Rahman Ya'kub (MATTARY) dan Tadika Tahfiz Tun Abdul-Rahman Ya'kub (TATTARY) berasa amat bertuah kerana Yang Berbahagia Tuan Haji Mohd Sabry, Pengurus Besar, Lembaga Amanah Kebajikan Masjid Negeri Sarawak (LAKMNS) sudi hadir bagi menjayakan program Perjumpaan Pengurus Besar bersama Guru-guru MATTARY dan TATTARY bertempat di Bilik Kuliah, Pusat Pengajian Al-Quran Tun Abdul-Rahman Ya'kub (PATARY).

Peluang bermusyawarah secara santai bersama Yang Berbahagia Tuan Haji tidak dilepaskan oleh guru-guru untuk membincangkan hal-hal berkaitan perkembangan dan kemajuan MATTARY serta TATTARY.

Respon yang baik daripada Yang Berbahagia Tuan Haji yang sentiasa meraikan setiap pandangan, komen serta cadangan para guru juga menjadikan suasana perjumpaan pada hari tersebut sangat bermakna dan membawa hasil yang memberangsangkan.



Musyawarah itu dipandang penting kerana ia merupakan salah satu alat yang mampu menyatukan sekelompok orang atau umat di samping sebagai salah satu saranan untuk menghimpun atau mencari pendapat atau keputusan yang lebih baik.



Guru-guru MATTARY dan TATTARY mengemukakan beberapa cadangan serta soalan bagi meningkatkan mutu pembelajaran supaya lebih efektif

MAJLIS KONVOKESYEN KE 8

TADIKA TAHFIZ TUN ABDUL-RAHMAN YA'KUB



Puan Megawati binti Haji Julaihi, Ketua Sektor Pentadbiran dan Pengurusan, LAKMNS (tengah), Puan Nona Zaharia binti Fadzil, Ketua Sektor Korporat dan Kewangan, LAKMNS (kanan), Guru-guru TATTARY bergambar bersama-sama anak-anak TATTARY

Seramai 74 orang graduan cilik TATTARY yang berumur 6 tahun telah menerima sijil tamat pengajian dan sijil hafaz juzuk ke-30 pada Majlis Konvokesyen ke-8 Tadika Tahfiz Tun Abdul-Rahman Ya'kub untuk tahun 2017 dalam suasana yang cukup meriah.

Selain itu juga, seramai 27 orang murid yang terdiri daripada murid 4, 5 dan 6 tahun turut menerima hadiah bagi pencapaian terbaik mengikut kelas masing-masing bagi sesi persekolahan 2017. Majlis tersebut telah berlangsung di Balai Budaya, Dewan Bahasa dan Pustaka Negeri Sarawak pada Sabtu, 11 November 2017.

Majlis telah disempurnakan oleh Puan Megawati binti Haji Julaihi, Ketua Sektor Pentadbiran dan Pengurusan, LAKMNS. Majlis yang bermula pada jam 2 petang tersebut telah dihadiri oleh ibu bapa serta ahli keluarga para graduan cilik ini.

Pelbagai persembahan menarik telah dipersembahkan oleh kesemua pelajar yang terdiri daripada pelbagai umur di TATTARY. Bermula dengan persembahan tazkirah ringkas adik Nurul Alieyatul Eizzanie Arni binti Abdul Aziz dari kelas 6 Bijak yang begitu bersahaja sebagai pembuka tirai majlis.



Adik Syed Adam Haneef bin Wan Jiman dari kelas 6 Bijak menerima Anugerah Hafiz Muda MASJA-SA 2017



Murid-murid 4 tahun sedang menglaunkan Asma'ul-husna semasa pembukaan Majlis Konvokesyen ke-8 TATTARY

Seterusnya disusuli dengan persembahan hafazan oleh adik Syed Adam Haneef bin Wan Jiman yang juga dari kelas 6 Bijak. Ucapan wakil murid juga turut disampaikan oleh adik Najwan Aqram bin Abdul Rani dari kelas 6 Arif. Majlis dimeriahkan lagi dengan persembahan-persembahan menarik daripada murid-murid 6 tahun seperti qasidah, koir dan nasyid. Kesemua hadirin terhibur dengan persembahan-persembahan yang penuh bersemangat tersebut.



Gelagat murid-murid 6 tahun membuat persembahan yang mewakili kelas masing-masing

Pada konvokesyen ke-8 ini, penerima Anugerah Hafiz Muda MASJA-SA telah dianugerahkan kepada adik Syed Adam Haneef bin Wan Jiman dari kelas 6 Bijak. Beliau menerima anugerah tersebut dengan diiringi oleh kedua ibu bapanya. Adik Syed Adam Haneef sememangnya calon yang amat sesuai bagi menerima anugerah ini kerana kegigihan serta bakat yang ditunjukkan beliau sepanjang belajar di TATTARY walaupun baru menjak kaki di TATTARY pada umur 5 tahun.



Majlis Graduasi 2017

MA'HAD TAHFIZ TUN ABDUL-RAHMAN YA'KUB (MATTARY)



Adik Jad Haris bin Sabaruddin menerima Hadiah Murid Terbaik Keseluruhan

Majlis Penyampaian **Hadiah** 2017

MA'HAD TAHFIZ TUN ABDUL-RAHMAN YA'KUB (MATTARY)

Majlis Penyampaian Hadiah MATTARY telah diadakan pada 14 November 2017 bertempat di Bilik Kuliah, Pusat Pengajian Al-Quran Tun Abdul-Rahman Ya'kub (PATARY).

Tujuan majlis ini diadakan adalah untuk memberi hadiah galakan kepada para murid yang telah memperoleh pencapaian cemerlang dalam akademik serta hafazan. Di samping itu, dapat menyuntik semangat baru dalam kalangan pelajar untuk meningkatkan kecemerlangan diri dan sekolah.

Majlis ini juga dapat menggalakkan penglibatan serta menjalin dan mengeratkan hubungan antara para guru, ibu bapa dan murid.

Tetamu jemputan yang hadir pada majlis ini ialah Puan Dayang Siti Aishah binti Mohamad Atei, Wakil Ketua, Bahagian Pelajaran, Lembaga Amanah Kebajikan Masjid Negeri Sarawak (LAKMNS),

Puan Afnilizan binti Ali, Penyelia Tadika Tahfiz Tun Abdul-Rahman Ya'kub (TATTARY) serta Encik Abdullah bin Othman, Guru Besar MATTARY. Kemudian, ucapan perasmian majlis disampaikan oleh Puan Dayang Siti Aishah binti Mohamad Atei, Wakil Ketua Bahagian Pelajaran, LAKMNS.

Majlis dimulakan dengan nyanyian lagu Negaraku dan Ibu Pertiwi diikuti dengan alunan Zikir Asmaul Husna. Majlis diteruskan dengan bacaan doa oleh al-Fadhil Ustaz Ahmad Farhan bin Abdul Hamid. Kemudian, bacaan hafazan disampaikan oleh adik Jad Harris bin Sabaruddin dan adik Anisah Fatin binti Jamli. Mereka merupakan murid tahun 6 al Biruni.

Selesai bacaan hafazan, majlis diserikan dengan persembahan nyanyian daripada semua murid Tahun 6. Adik Nasrul Haq bin Zairon dijemput naik ke pentas untuk menyampaikan ucapan penghargaan sebagai wakil murid.

Seterusnya, ucapan alu-aluan telah disempurnakan oleh Encik Abdullah bin Othman, Guru Besar MATTARY. Kemudian, ucapan perasmian majlis disampaikan oleh Puan Dayang Siti Aishah binti Mohamad Atei, Wakil Ketua Bahagian Pelajaran, LAKMNS.

Hadiah-hadiah yang disampaikan pada majlis berkenaan ialah Hadiah Pencapaian Cemerlang dalam HotsMath, Hadiah Terbaik Hafazan, Hadiah Terbaik Mata Pelajaran Tahap 1 dan Tahap 2, Hadiah Terbaik Setiap Kelas dan Anugerah Murid Cemerlang.



Adik Jad Haris bin Sabaruddin menerima hadiah daripada Puan Dayang Siti Aishah binti Mohamad Atei, Wakil Ketua Bahagian Pelajaran, LAKMNS

para guru, ibu bapa dan para murid walaupun selepas tamat persekolahan.

Majlis kali ini telah menghimpunkan 35 orang murid tahun 6 MATTARY serta hampir 100 orang tetamu termasuk ibu bapa dan pegawai-pegawai Lembaga Amanah Kebajikan Masjid Negeri Sarawak (LAKMNS). Tetamu khas pada hari tersebut ialah Puan Megawati binti haji Julaihi, Ketua, Sektor Pentadbiran dan Pengurusan, LAKMNS.

Gimik istimewa persembahan pembukaan majlis ialah Tayangan Video Permulaan Majlis Graduasi serta alunan gesekan biola daripada dua orang murid MATTARY yang berusia 9 tahun iaitu adik Amara Zada Mae Abang Shazali dan adik Raid Danish bin Mahathir.

Manakala, adik Jad Haris bin Sabaruddin serta adik Nur Aqidah binti Mohamad Syahrizan telah mengalunkan bacaan ayat-ayat suci al-Quran sebagai persembahan hafazan dan persembahan koir pembukaan yang melibatkan semua murid Tahun 6 dengan lagu "Pencuri Hati".



Puan Megawati binti Haji Julaihi, Ketua Sektor Pentadbiran dan Pengurusan LAKMNS merasmikan Majlis Graduasi MATTARY 2017

Dalam majlis tersebut juga, adik Jad Haris bin Sabaruddin telah dipilih sebagai Penerima Hadiah Murid Terbaik Keseluruhan kerana telah menunjukkan pencapaian dalam kedua-dua kurikulum iaitu akademik mahupun hafazan. Beliau turut menunjukkan pencapaian yang sangat membanggakan apabila mendapat pingat emas pertama dan menjulang nama Malaysia di persada antarabangsa dalam pertandingan World Mathematic Sakamoto 2017 yang berlangsung di Manila, Thailand.



MAJLIS SUMBANGAN AL-QURAN KEPADA KONSULAT GENERAL REPUBLIK INDONESIA

disampaikan oleh Encik Drahman
bin Jaladin, Ahli Lembaga Amanah
Kebajikan Masjid Negeri Sarawak

MAJLIS PERSARAAN ENCIK BOHARI BIN ZAINUDDIN DAN ENCIK ZAMRI BIN HAJI KEPLI



*17 tahun
perkhidmatan*



Terima Kasih



*27 tahun
perkhidmatan*

SEKITAR PROGRAM HAFLAH FANNIYYAH (HAFA') TATTARY



Antara persembahan-persembahan yang dilakukan oleh murid-murid TATTARY



Majlis Taklim Wanita 2017 di Masjid Bandaraya Kuching



Program-program bagi kaum ibu seperti ini terus dilaksanakan sebagai satu pengisian di dalam mendalami bidang ilmu al-Quran

“Mengekalkan kecerdasan, memantapkan kesihatan.”



Antara aktiviti bulanan bahagian Keselamatan ialah latihan jasmani atau fizikal pula bertujuan untuk meningkatkan stamina dan kekuatan tubuh sehingga tubuh menjadi lebih energetik, mengurangkan risiko obesiti, mengatasi depresi dan mempertahankan serta menyelaraskan kondisi tubuh dalam kehidupan sehari-hari

SERUAN MIMBAR

SUMBER

<http://www.jais.sarawak.gov.my/>
<http://emasjid.sarawaknet.gov.my/emasjid/khutbah.nsf/khutbahview2?openview&start=21&count=10&>

‘MENGHAYATI AKHLAK DAN PEKERTI RASULULLAH S.A.W.’

Kaum muslimin yang dirahmati Allah,

Marilah sama-sama kita memelihara keimanan dan meningkatkan ketaqwaan kepada Allah S.W.T. Marilah kita menunaikan segala perintah Allah S.W.T. sedaya upaya kita dan menjauhi segala laranganNya. Semoga dengan demikian, Allah S.W.T. akan mengurniakan kita kemanisan iman di dalam hati kita hingga ke akhir hayat. Khutbah pada hari ini berkisar pada tajuk ‘Menghayati Akhlak dan Pekerti Rasulullah S.A.W.’.

Kaum muslimin yang dirahmati Allah,

Dalam sebuah hadis yang diriwayatkan Ibn Hibban rahimahullah, Nabi Muhammad S.A.W. pernah suatu ketika berdoa untuk Saidatina Aisyah radhiallahu anhu dengan doa yang bermaksud:

“Ya Allah! Ampunkanlah bagi Aisyah apa yang telah lalu daripada dosa-dosanya, dan segala yang akan datang, dan segala yang beliau sembunyikan dan segala yang beliau zahirkan”.

Baginda S.A.W. lalu bersabda kepada Saidatina Aisyah radhiallahu anhu:

“Sesungguhnya ia adalah doaku untuk umatku, pada setiap solat”.

Hadis tadi menggambarkan kecintaan Rasulullah S.A.W. terhadap umatnya. Sebuah cinta yang tidak berbelah bahagi. Maka sewajarnya kita sebagai umat Nabi Muhammad S.A.W. memiliki rasa cinta yang sama juga kepada Nabi S.A.W. Menurut Sheikh Nuruddin al-'Etir, antara tanda mereka yang cintakan Nabi S.A.W. adalah dengan menuruti sunnahnya, membaca hadisnya, memperbanyak selawat ke atas Baginda S.A.W., mengharapkan pertemuan dengannya dan berusaha untuk mencontohi akhlak dan pekertinya. Allah S.W.T. berfirman di dalam Surah al-Qalam, ayat 4 yang bermaksud:

“Sesungguhnya kamu (wahai Nabi) berada di atas akhlak yang sangat mulia”.

Sekiranya kita ingin menyentuh segala akhlak serta nilai yang diajarkan serta ditonjolkan Baginda S.A.W., ia merupakan satu usaha yang akan mengambil masa yang panjang. Memandangkan terdapat begitu banyak akhlak dan nilai yang boleh kita jadikan teladan. Akan tetapi pada kesempatan kali ini, ingin khatib mengajak para jemaah sekalian untuk menghayati satu perspektif pada akhlak dan budi pekerti Rasulullah S.A.W. yang mesti kita hayati.

Sekiranya kita menghayati sunnah Baginda S.A.W., baginda sering menegaskan kepada umatnya agar mengawal kemarahan dan tidak menuruti hawa nafsu semata-mata. Di saat kita diuji Allah S.A.W., sekiranya perasaan marah dan keinginan peribadi itu lebih mendorong seseorang untuk meluahkan rasa kekecewaan dan kemarahan, ketika itu Baginda S.A.W. mengajar kita untuk bersabar. Sabda Baginda S.A.W. yang bermaksud:

“Sesungguhnya kesabaran itu adalah pada saat musibah itu menimpa”. (Hadis riwayat Imam al-Bukhari dan Imam Muslim)

Ketika kita memiliki kemampuan untuk menzahirkan kemarahan dan bertindak menuruti kehendak hati, ketika itu Baginda S.A.W. kaum mukminin untuk menahan kemarahan dan tidak menuruti marahnya. Baginda S.A.W. bersabda:

“Orang yang gagah bukanlah (yang gagah) dengan bertinju. Tetapi orang yang gagah ialah seseorang yang mampu mengawal dirinya ketika marah”. (Hadis riwayat Imam al-Bukhari dan Imam Muslim)

Hadis-hadis ini, dan pelbagai lagi, memberi pengajaran kepada kita bahawa agama ini amat menitikberatkan kepentingan seorang mukmin untuk tidak menuruti hawa nafsu dan marahnya. Islam mendorong insan untuk berfikir dengan tenang, dan berusaha untuk mencari huraian bagi isu yang dihadapinya. Islam juga mengajar bahawa keputusan yang diambil ketika berada dalam keadaan tidak tenang, ataupun marah;

ataupun keputusan yang diambil dalam keadaan tergopoh-gapah tidak akan membawa hasil yang diberkati.

Di antara kata-kata hikmah bahasa arab yang berbunyi: Awal kemarahan itu adalah kegilaan, ia diakhiri dengan penyesalan.

Ia diakhiri dengan suatu penyesalan, kerana ia keputusan yang diambil ketika tidak berfikir dan tanpa mengawal perasaan, iaitu ketika sedang marah. Lalu sama ada beliau akan melontarkan perkataan yang kesat, menceraikan, mengherdik, ataupun membuat suatu keputusan pada saat tersebut, dalam keadaan tergopoh-gapah kerana tidak pandai mengawal perasaan, akhirnya dirinya sendiri yang terpaksa menanggung kesan perbuatannya.

Kaum muslimin yang dirahmati Allah,

Bukannya Islam menyuruh umatnya untuk langsung tiada memiliki perasaan marah. Sifat marah itu merupakan sifat alami yang dimiliki setiap insan. Baginda S.A.W. juga pernah marah, dan Baginda S.A.W. sekiranya marah, para sahabat akan mengetahuinya daripada raut wajah Baginda S.A.W. Tetapi, apakah panduan Nabi S.A.W. dalam isu ini? Apa yang perlu diperhatikan setiap mukmin, ketika sedang marah?


Maka dalam kesempatan kali ini, ingin khatib menyarankan beberapa saran ringkas, untuk kita semua hayati bersama, sebagai panduan untuk mengurus kemarahan, menuruti ajaran Baginda S.A.W.:

PERTAMA: DENGAN BERSIKAP OBJEKTIF.

Kita perlu bersikap objektif dan tidak membiarkan emosi dan kemarahan menguasai diri kita. Perhatikan hadis Nabi S.A.W. yang bermaksud:

“...Dan tiga (perkara) yang menjadi penyelamat: Takut kepada Allah dalam keadaan sendirian dan keadaan terbuka, berjimat-cermat ketika susah dan senang dan berlaku adil ketika marah dan redha”. (Hadis riwayat Ibn Hibban)

Berlaku adil ketika marah dan redha, ternyata memerlukan kepada insan yang sentiasa berfikir. Oleh itu, ketika kita sedang marah, dan lisan ingin meluahkan kata-kata yang tidak diredhai Allah S.W.T., ataupun jari-jemari ingin membala suatu kenyataan di media sosial sebagai contoh dengan perkataan yang sama kasar serta kerasnya; ketika itu perhatikan panduan Nabi S.A.W. ini. Fikirkan kesan kenyataan yang bakal anda luahkan, sama ada terhadap diri sendiri ataupun terhadap mereka yang berada di sekitar anda.



KEDUA: BERUSAHA UNTUK MENCARI HURAIAN YANG MEMBINA.

Ada istilah “marah dan cinta kerana Allah” di dalam agama ini. Seseorang yang marah kerana Allah S.W.T., dia pasti akan berusaha untuk mencari huraian, memberi saranan bagi sesuatu situasi yang dihadapinya. Ia memerlukan kepada perancangan yang rapi, dihadapi dengan ketenangan, serta usaha yang berterusan untuk mencari huraian dan menuruti jalan yang membawa kepada kebaikan dan keamanan.

Sesungguhnya, tiada jalan pintas dalam kehidupan ini. Begitu juga bagi permasalahan yang dihadapi sama ada oleh individu atau pun pada tahap masyarakat. Perancangan yang rapi adalah diperlukan. Di sisi mukmin, kemarahan itu bukanlah hanya suatu semangat yang membuka-buka. Bak kata pepatah melayu: Ayam bertelur sebijji, riuh sekampung. Akan tetapi, yang diajar Islam, bahkan yang kita pelajari disebalik kehidupan kekasih kita, Nabi Muhammad S.A.W., adalah untuk menghalalkan semangat dan tenaga kepada huraian yang membina. Yang membawa kemanfaatan buat masyarakat dan negara.

Kita bersyukur kepada Allah S.W.T. yang telah menjadikan kita umat Nabi Muhammad S.A.W. Semoga diperkenankan hajat hati untuk bertemu Baginda S.A.W. esok di akhirat dalam keadaan yang baik dan diredhai, In sha Allah. Semoga Allah S.W.T. menjadikan kita masyarakat yang berusaha untuk mencontohi pekerti dan akhlak Baginda S.A.W., serta menyebarkan rahmat kepada keseluruhan makhluk. Amin Ya Rabbal Alamin.

PROGRAM PEMERKASAAN EKSEKUTIF

Firman Allah S.W.T. dalam Surah Al-Imran (3:159):

"Maka disebabkan rahmat daripada Allah kamu berlaku lemah lembut terhadap mereka. Sekiranya kamu bersikap keras lagi berhati kasar, tentulah mereka menjauhkan diri dari sekelilingmu. Kerana itu maafkanlah mereka, mohonkanlah keampuan bagi mereka dan bermusyawaratlah dengan mereka dalam urusan itu. Kemudian apabila kemu telah membulatkan tekad, maka bertawakallah kepada Allah. Sesungguhnya Allah menyukai orang-orang yang bertawakal kepada-Nya."



Bahagian Penyelidikan dan Pembangunan

Rentetan itu, Bahagian Penyelidikan dan Pembangunan, Lembaga Amanah Kebajikan Masjid Negeri Sarawak (LAKMNS) dengan kerjasama Bahagian Pengurusan Sumber Manusia telah mengambil inisiatif untuk menganjurkan Program Pemerkasaan (team building) Kumpulan Eksekutif LAKMNS di Permai Rainforest Resort pada 2 hingga 3 Disember 2017.

Program ini telah dihadiri oleh 34 orang eksekutif yang merangkumi pegawai-pegawai dan penolong pegawai LAKMNS.

Pengisian program ini merangkumi dua komponen utama iaitu aktiviti dalam dan luar kelas. Aktiviti dalam kelas menekankan kepada nilai-nilai kepimpinan diri, kemahiran komunikasi dan pembentangan yang disampaikan oleh Encik Awang Najib bin Awang Chee, Jurulatih Utama, Syarikat AMNAC Solutions. Manakala aktiviti luar kelas melibatkan peserta dalam aktiviti (*obstacle course*) dan (*wall climbing*) yang dikendalikan oleh jurulatih dari Permai Rainforest Resort.



Pada akhir program, Majlis Penutupan Program Pemerkasaan Kumpulan Eksekutif LAKMNS telah dirasmikan oleh Puan Megawati binti Haji Julaihi, Ketua, Sektor Pentadbiran dan Pengurusan LAKMNS yang turut menyampaikan sijil kepada semua peserta.

Secara keseluruhannya, kursus ini sedikit sebanyak dapat meningkatkan semangat kerjasama atau kekitaan di dalam kalangan pegawai-pegawai dan penolong-penolong pegawai LAKMNS.



KURSUS PEDAGOGI PENDIDIKAN GURU-GURU MATTARY



Pedagogi menurut tafsiran wikipedia Bahasa Melayu ialah kajian mengenai pengajaran, khususnya pengajaran dalam pendidikan formal. Dengan kata lain, ia adalah sains dan seni mengenai cara mengajar di sekolah. Secara umumnya pedagogi merupakan mata pelajaran yang wajib bagi mereka yang ingin menjadi guru di sekolah. Sebagai satu bidang kajian yang luas, pedagogi melibatkan kajian mengenai proses pengajaran dan pembelajaran, pengurusan bilik darjah, organisasi sekolah dan juga interaksi guru dengan pelajar.

Sehubungan dengan itu, pada 30 Disember 2017, Bahagian Penyelidikan dan Pembangunan, Lembaga Amanah Kebajikan Masjid Negeri Sarawak (LAKMNS) dengan kolaborasi Bahagian Pelajaran telah menganjurkan Kursus Pedagogi Pendidikan Guru-guru Ma'had Tahfiz Tun Abdul-Rahman Ya'kub (MATTARY) untuk meningkatkan kualiti pembelajaran dan pengajaran.



Kursus tersebut telah disampaikan oleh Dr. Haji Rosana bin Awang Haji Bolhasan, Pensyarah Cemerlang, Institut Pendidikan Guru Malaysia, Kampus Batu Lintang, Kuching Sarawak.

Seramai 33 orang peserta yang hadir yang merangkumi guru-guru akademik dan hafiz MATTARY. Kursus ini turut dihadiri oleh Puan Dayang Siti Aishah Binti Haji Mohamad Atei, Wakil Ketua Bahagian Pelajaran dan Puan Haryati Binti Mohamad, Ketua Bahagian Penyelidikan dan Pembangunan.

Secara keseluruhannya, kursus ini dapat meningkatkan pengetahuan dan kemahiran guru-guru MATTARY dalam pedagogi pendidikan.





PENGURUSAN KESIHATAN KELUARGA

Pengetahuan berkenaan pengurusan kesihatan keluarga amat penting kerana ia dapat menjamin kesejahteraan dan keharmonian keluarga serta mengelakkan daripada berlaku percerayaan yang berpunca daripada masalah kesihatan.

Islam menggalakkan pasangan suami isteri agar mempunyai anak yang ramai sebagaimana sabda Rasulullah S.A.W.:

'Kahwinilah wanita-wanita yang dapat melahirkan anak kerana pada hari kiamat kelak aku akan merasa bangga dengan kamu'. (Riwayat Ahmad)

Walau bagaimanapun, Islam turut menegaskan bahawa anak-anak yang bakal dilahirkan perlu mempunyai kualiti hidup yang baik.

Slot berkenaan pengurusan kesihatan keluarga merupakan salah satu slot yang disampaikan dalam Kursus Pra Perkahwinan Islam anjuran Bahagian Penyelidikan dan Pembangunan, Lembaga Amanah Kebajikan Masjid Negeri Sarawak (LAKMNS) yang diadakan pada tarikh seperti berikut:-

- 14-15 Oktober 2017
- 18-19 November 2017
- 16-17 Disember 2017

Selain itu, slot tersebut telah disampaikan oleh Dr. Nurul Sya'adah binti Haji Hassan yang merupakan Doktor Perubatan dari KPJ Kuching Specialist Hospital juga menekankan kebaikan perancangan keluarga seperti berikut iaitu:

- Membolehkan pasangan suami isteri merancang saiz keluarga mengikut kemampuan
- Mengurangkan kadar kematian dan masalah kesihatan ibu dan bayi
- Meningkatkan perkembangan fizikal, mental dan intelek anak-anak
- Membolehkan ibu merancang kelahiran anaknya pada peringkat umur yang paling selamat
- Mengelakkan kehamilan yang tidak dikehendaki dan mencegah pengguguran anak.

Jarak kehamilan yang sesuai adalah dua tahun selepas kelahiran anak sebelumnya kerana dalam tempoh ini, anak akan memperoleh kasih sayang dan penyusuhan ibu yang mencukupi.

MAJLIS PERBARISAN TAMAT LATIHAN KURSUS ASAS

POLIS BANTUAN SIRI 2/2017



Konstabel PB94491, Malisa binti Abu Bakar telah mendapat Anugerah Pelatih Terbaik bagi Latihan Luar semasa menjalani latihan tersebut.

Bahagian Keselamatan, Lembaga Amanah Kebajikan Masjid Negeri Sarawak (LAKMNS) telah menghantar seramai 23 orang anggota, iaitu 16 orang anggota lelaki dan 7 orang anggota wanita untuk menjalani Kursus Asas Polis Bantuan Siri 2/2017 di Pusat Latihan Polis (PULAPOL) Kuching selama 2 bulan.

Selama dua bulan anggota Polis Bantuan, LAKMNS di tempatkan di PULAPOL Kuching, dan telah didedahkan dengan latihan luar yang merangkumi latihan kawad, menembak, renang serta seni pertahanan diri. Selain itu, mereka turut memasuki kelas akademik yang meliputi pelajaran undang-undang kepolisan. Semua pelatih Polis Bantuan termasuk anggota Polis Bantuan, LAKMNS telah diberi ujian untuk latihan luar seperti kawad dan menembak serta menduduki peperiksaan yang berkaitan dengan undang-undang kepolisan.

Pada 24 November 2017, Majlis Perbarisan Tamat Latihan Kursus Asas Polis Bantuan Siri 2/2017 telah diadakan di Padang Kawad PULAPOL Kuching. Wakil-wakil daripada LAKMNS yang hadir ialah Ketua Bahagian Pengurusan Sumber Manusia, LAKMNS, Ketua Bahagian Keselamatan, LAKMNS, Pegawai Sektor Pentadbiran dan Pengurusan, LAKMNS dan Pegawai-pegawai Bahagian Keselamatan, LAKMNS.

Anggota Polis Bantuan, LAKMNS, iaitu Konstabel PB94491 Malisa binti Abu Bakar telah mendapat anugerah Pelatih Terbaik bagi Latihan Luar di atas pencapaian prestasi yang memberangsangkan sepanjang latihan dijalankan. Di samping itu, Konstabel PB94491 Malisa binti Abu Bakar juga telah diberi kepercayaan bagi mengetuai pembacaan lafaz ikrar semasa majlis perbarisan tersebut.

Tahniah dan syabas diucapkan kepada semua anggota Polis Bantuan, LAKMNS kerana telah menjalani kursus dengan jayanya.





HAFLAH FANNIYYAH (HAFA')

Hari Kesenian atau Haflah Fanniyah (HAFA') kali kedua telah diadakan pada 18 November 2017 bertempat di Anjung Kanan, Masjid Jamek Negeri Sarawak. Antara murid yang terlibat untuk menyertai hari HAFA' ini adalah murid-murid dari umur 4 tahun dan 5 tahun.

Tujuan HAFA' ini diadakan adalah untuk mengasah dan mengilap potensi dan bakat yang ada pada diri murid-murid tersebut dalam menceburi aktiviti kesenian secara aktif dan kreatif.

Objektif Hari HAFA' yang utamanya adalah untuk meningkatkan keyakinan diri murid-murid untuk tampil berani apabila berhadapan dengan orang ramai. Keduanya untuk melahirkan murid-murid yang berkualiti dan seimbang dalam pencapaian hafazan, akademik dan kreativiti atau kesenian. Di samping itu, program sebegini juga sangat sesuai untuk melatih serta memberi galakan kepada murid-murid untuk mengambil penyertaan dalam setiap aktiviti di sekolah.

Persembahan yang menghiburkan serta mencuit hati daripada anak-anak TATTARY

D i a n g g a r k a n seramai 400 orang tetamu menghadiri program ini yang terdiri daripada ibu bapa dan penjaga serta murid-murid 4 tahun dan 5 tahun, manakala tetamu jemputan khas iaitu Puan Dayang Siti Aishah binti Haji Mohamad Atei, Wakil Ketua, Bahagian Pelajaran, Haji Awangku Mohd Nizam bin Haji Awangku Abdul Rahman, Pegawai Bahagian Pelajaran dan Encik Abdullah bin Othman, Guru Besar MATTARY.

Antara pengisian program HAFA' ini ialah persembahan dari enam buah kelas 4 dan 5 tahun yang mempersembahkan pelbagai jenis muzik tradisional dan kontemporari. Program ini dimeriahkan lagi dengan penyediaan saguhati dan hadiah bagi segmen 'Gotcha' kepada murid-murid yang membuat persembahan.



“Akibat Pinjaman Wang Segera Ah Long: Tangan dan kaki ditetak, telinga serta jari putus”

Dengar sahaja ungkapan ini sudah cukup mengerikan buat kita. Tetapi inilah hakikat sebenar jika gagal melunaskan pinjaman wang segera ini.

Kamus Bahasa Melayu Dewan Bahasa dan Pustaka (DBP) mentakrifkan Ah Long sebagai orang yang memberikan pinjaman wang secara haram dan mengenakan kadar faedah yang sangat tinggi serta biasanya bertindak ganas sekiranya si peminjam gagal membayar pinjaman yang telah dibuat.erti kata lain iaitu ‘ceti haram atau lintah darat’. Perkataan ah long itu sendiri berasal daripada Bahasa Kantonis yang membawa maksud ‘naga’.

Ah Long menasarkan peminjam yang terdiri daripada peniaga kecil yang memerlukan modal untuk memulakan perniagaan, peniaga yang menghadapi masalah kewangan, kaki judi malahan suri rumah juga turut menjadi sasaran mereka. Tambah menyediakan apabila orang melayu yang beragama Islam negara ini dikatakan golongan yang paling ramai meminjam kepada ah long ini.

Keingkaran peminjam untuk membayar balik pinjaman akan disusuli dengan ugutan dan ancaman bukan sahaja kepada si peminjam tetapi turut terkena tempias bahananya ialah keselamatan ahli keluarga mangsa, sekali gus mengugat keamanan negara. Ini terbukti menerusi liputan berita iaitu terdapat peminjam dibunu secara kejam, dimalukan dan sebagainya walaupun mangsa hampir berjaya melunaskan hutang.

6 SEBAB MENGAPA HUTANG AH LONG MEMUDARATKAN KEHIDUPAN ANDA

- **Kadar faedah yang tidak berkesudahan**
- **Kos dan terma yang tersembunyi**
- **Tiada pilihan untuk penyelesaian penuh**
- **Ditekan untuk mengambil pinjaman daripada ah long untuk menyelesaikan hutang**
- **Dokumen peribadi diambil sebagai ‘deposit keselamatan’**
- **Gangguan fizikal dan mental**

Namun terdapat pelbagai cara yang boleh dilakukan untuk mengelak diri anda daripada menjadi mangsa ah long. Sekiranya anda ingin membuat pinjaman, maka pohonlah menerusi institusi perbankan tempatan yang dijamin. Malaysia kini mempunyai banyak institusi kewangan yang menyediakan pelbagai jenis pinjaman kepada orang awam. Bandingkan setiap tawaran yang diberi dan buatlah pilihan yang terbaik dengan mengambil kira faedah dan jumlah potongan bulanan yang dikenakan oleh pihak bank. Jadilah peminjam yang bijak dengan berbincang dengan pihak bank untuk lebih memahami terma dan syarat yang dikenakan. Sekiranya anda ingin menceburi bidang perniagaan, kerajaan dengan bantuan beberapa agensi kerajaan yang lain ada menyediakan dana pinjaman yang dikhaskan untuk membantu mereka yang ingin memulakan perniagaan mereka.

Kesimpulannya, elakkan mengambil jalan pintas dengan meminjam daripada ah long. Berusahalah kerana Allah S.W.T. jika mahu kehidupan yang senang dan selesa. Tidak perlu cemburu dengan kekayaan orang lain. Bak kata pepatah, ‘ukur baju di badan sendiri’.

Sumber:
www.usahawan.com
http://www.utusan.com.my/utusan/Keluarga/20131114/ke_02/Merana-kerana-hutang

PROFIL KAKITANGAN

LEMBAGA AMANAH KEBAJIKAN MASJID NEGERI SARAWAK



**SUZYANA BINTI
AHMAD ANNUAR**
Penolong Pegawai

Tarikh Lahir :
23 Februari 1983

Umur :
35 tahun

Asal :
Kuching Sarawak

Tarikh Mula Berkhidmat :
21 Mac 2006

"Seseorang itu tidak akan pernah rugi jika selalu berusaha, berdoa dan bertawakal kepada Allah S.W.T. kerana Dialah yang lebih mengetahui waktu yang tepat untuk mengabulkan doa-doa hamba-hambanya".

Ayat di atas jelas menjadi prinsip hidup kakitangan pilihan bagi memenuhi ruangan edisi Buletin Mimbar pada kali ini iaitu Puan Suziyana binti Ahmad Annuar yang berkhidmat sebagai Penolong Pegawai di Bahagian Pengurusan Sumber Manusia, Lembaga Amanah Kebajikan Masjid Negeri Sarawak (LAKMNS).

Puan Suziyana atau lebih mesra dipanggil Puan Suzi dalam kalangan rakan sekerja dilahirkan pada tanggal 23 Februari 1983 di Kuching, Sarawak dan merupakan puteri sulung dari dua orang adik-beradik.

Memiliki sifat peramah dan murah dengan senyum, Puan Suziyana telah mendirikan rumah tangga bersama Encik Yantiska bin Mahmud dan dikurniakan dua orang cahaya mata iaitu Ziziliyana Aqilah dan Ziziriyah Shamizan.



Puan Suziyana bersama-sama ahli keluarganya semasa Hari Raya Aidilfitri yang lalu

Memulakan kerjayanya pada 21 Mac 2006 sebagai kakitangan pelatih di Pentadbiran Masjid Jamek, Bahagian Masjid-Masjid dan kakitangan kontrak di Sektor Kewangan dan Pelaburan. Sebelum berkhidmat di LAKMNS, Puan Suzi juga pernah bekerja di Koperasi MASJA Berhad.

Menggemari masakan air tangan ibunya iaitu nasi lemak, Puan Suziyana menjadikan amalan membaca serta mengemas rumah sebagai hobi, di samping gemar melakukan aktiviti riadah bersama keluarga pada waktu luang.

Sepanjang berkhidmat selama 12 tahun, antara pengalaman manis yang tidak dapat dilupakan oleh beliau semasa berkhidmat di LAKMNS ialah Puan Suzi meraikan sambutan hari jadinya bersama-sama ketua dan rakan-rakan seperjuangan di LAKMNS dan beliau pernah mewakili LAKMNS dalam pertandingan bola jaring serta badminton sempena Karnival Sukan Agensi-Agenzi Islam.

Harapan Puan Suzi agar LAKMNS terus menjadi sebuah organisasi yang unggul, cekap, mesra dan berkualiti pada masa akan datang.



Bersama Ketua Bahagian dan kakitangan lain di Bahagian Pengurusan Sumber Manusia



Mengabdiakan kenangan bersama-sama rakan yang mewakili LAKMNS dalam pertandingan sempena Karnival Sukan Agensi-Agenzi Islam

PROFIL GURU MATTARY

LEMBAGA AMANAH KEBAJIKAN MASJID NEGERI SARAWAK



**NUR WAHIDAH SYAFIQAH
BINTI SAZALI**

Tarikh Lahir:
5 September 1988

Umur: 30 tahun

Asal: Kuching, Sarawak

Hobi : Menonton wayang

Seorang guru yang berdedikasi dalam menjalankan tugas itulah dia Cikgu Nur Wahidah Syafiqah binti Sazali. Beliau dilahirkan pada 5 September 1988 di Hospital Umum Sarawak.

Merupakan anak sulung daripada empat orang adik beradik. Menyoroti latar belakang pendidikan Cikgu Nur Wahidah pernah menimba ilmu di Sekolah Kebangsaan St Teresa (2001-2005). Kemudian, beliau menyambung pelajaran di International Islamic University Malaysia dalam Bachelor of Human Sciences (*psychology*) pada tahun 2009.

Aktiviti yang sering dilakukan oleh Cikgu Nur Wahidah pada masa liburnya ialah menonton wayang dan berjalan-jalan bersama rakan-rakannya.



Cikgu Nur Wahidah bersama rakan-rakan sekerjanya sewaktu mengikuti program bersama murid Tahun 6 di Damai Beach Resort and Club.

Memulakan khidmat sebagai Guru Pelatih di MATTARY pada 15 September 2014. Kini, beliau telah diserap ke jawatan tetap sebagai Guru Akademik sejak 19 April 2016. Berperwatakan ceria, mesra dan baik hati serta amat disenangi anak-anak didiknya dan rakan-rakan sekerjanya. Di MATTARY, Cikgu Nur Wahidah bertanggungjawab sebagai guru kelas Tahun 4 Al-Farabi. Selain itu, beliau juga merupakan guru penyelaras bagi Unit Bimbingan dan Kaunseling MATTARY.

Justeru, besarlah harapan beliau ke atas anak-anak MATTARY agar suatu hari nanti anak-anak MATTARY menjadi anak-anak yang berakhlik mulia dan bertakwa di saat mereka melangkah keluar dari MATTARY kelak. In Sha Allah.



Cikgu Nur Wahidah sering meluangkan masa berjalan-jalan bersama adik beradik dan sepupunya.

PROFIL PELAJAR MATTARY

LEMBAGA AMANAH KEBAJIKAN MASJID NEGERI SARAWAK



**AHMAD UWAIS AL QARNI
BIN ABDULLAH**

Tarikh Lahir: 18 Mei 2006

Umur: 11 tahun

Asal: Kuching, Sarawak

Hobi : Bermain bola sepak, membaca buku, bermain permainan “online” dan membuat kraf tangan

- **Johan Kategori ‘Kyorugi’ Lelaki, 11-13 tahun (36-40 kg) Sarawak Chief Minister Borneo Cup International Taekwondo (WTF) Championship 2017.**

- **Mewakili MATTARY dalam Axis FC Youth Cup Under 10 & 12 bertempat di Akademi Kastam Diraja Malaysia, Matang.**

- **Ketua kelas dan pengawas bagi tahun 2013 dan 2017, dan bertanggungjawab sebagai Timbalan Presiden Kelab Taranum.**

- **Anugerah Pelajar Cemerlang Sempena Majlis Khatamul Quran tahun 2013, Terbaik Hafazan Tempat Ke-3 bagi tahun 2015,**

- **Anugerah Pelajar Cemerlang Akademik Keseluruhan Tahun 1, 3 dan 5.**

- **Anugerah NILAM pada tahun 2013 untuk**

- **Anugerah Kenanga, Anugerah Perak dan seterusnya Anugerah Emas pada tahun 2015.**

Ahmad Uwais Al Qarni bin Abdullah dilahirkan pada 18 Mei 2006 di Kuching, Sarawak. Adik Ahmad Uwais Al Qarni merupakan pelajar perintis Tadika Tahfiz Tun Abdul-Rahman Ya'kub (TATTARY) tahun 2010 dengan kemasukan kelas 4 tahun.

Semasa berada di TATTARY adik Ahmad Uwais Al Qarni telah berjaya menamatkan Iqra' dan mula mengaji al-Quran seawal usia 6 tahun. Beliau seorang yang sangat aktif, suka membantu orang lain dan mempunyai hubungan yang amat rapat dengan ahli keluarga. Beliau juga sangat suka mencuba sesuatu yang baru.

Kini, adik Ahmad Uwais Al Qarni melanjutkan pengajian di Ma'had Tahfiz Tun Abdul-Rahman Yaakub (MATTARY) dalam Tahun 5 Al-Biruni. Telah menghafal enam setengah juzuk dan surah-surah pilihan iaitu Surah Yaasin, Surah Dukhan, Surah Sajdah, Juz 30, 29, 28, 27, 26, 1 dan 2 sehingga mukasurat 32.



Antara aktiviti yang sering dilakukan adik Ahmad Uwais Al Qarni semasa di rumah ialah beliau sering mengaji dan menghafal al-Quran, menonton televisyen bersama keluarga dan beriadah. Hobi adik Ahmad Uwais Al Qarni ialah bermain bola sepak, membaca buku, bermain permainan online dan membuat kraf tangan.

Pengalaman yang tidak dapat dilupakan adik Ahmad Uwais Al Qarni ialah apabila pulang ke kampung nenek di Kampung Sri Tajo, Asajaya. Setiap kali pulang ke kampung pelbagai aktiviti menarik yang dilakukan antaranya, membantu mengusahakan ladang kambing, memberi susu botol kepada anak kambing serta menyaksikan kambing disembelih semasa Hari Raya Korban. Selain itu, keseronokan memetik buah-buahan segar bersama adik-adik dan makan hasil tanaman dari kebun nenek merupakan antara memori yang sukar dilupakan.

Semoga adik Ahmad Uwais Al Qarni terus maju dan cemerlang dalam Penilaian Pentaksiran Sekolah Rendah (PPSR) bagi tahun 2018 dan berjaya menjadi al hafiz serta menjadi anak yang berbakti kepada nusa, agama dan bangsa.



Pelbagai pencapaian dan kejayaan yang diraih oleh adik Ahmad Uwais Al Qarni

PROFIL PELAJAR TATTARY

LEMBAGA AMANAH KEBAJIKAN MASJID NEGERI SARAWAK



**MOHD NAQIUDDIN BIN
MOHD NAJIB**

Tarikh Lahir: 24 Jun 2012

Umur:
5 tahun

Asal:
Kuching, Sarawak

Hobi:
Membaca buku, bermain permainan lego

Mohd Naqiuddin bin Mohd Najib dilahirkan di Hospital Umum Sarawak pada 24 Jun 2012 dan merupakan anak ketiga daripada empat orang adik-beradik. Adik Mohd Naqiuddin Najib lebih mesra dipanggil sebagai “baby” dalam kalangan keluarga dan Naqi dalam kalangan kawan-kawan dan guru di Tadika Tahfiz Tun Abdul-Rahman Ya'kub (TATTARY).

Adik Naqi kini belajar di kelas 5 Arif dan mula menghafaz al-Quran ketika usia beliau 4 tahun di bawah bimbingan Cikgu Sabrina Izzati, kemudian bermula umur 5 tahun sehingga sekarang di bawah bimbingan Cikgu Norbisyarah.

Beliau juga sangat aktif dan sentiasa mengambil bahagian ketika di dalam kelas akademik di bawah bimbingan Cikgu Siti Nurhayaty serta pembantu guru Cikgu Paridah. Adik Naqi sangat meminati aktiviti renang dan bercita-cita untuk menjadi seorang pegawai polis apabila dewasa kelak.



Adik Naqi bersama-sama keluarga tercinta semasa Hari Raya Aidilfitri yang lalu

Adik Naqi sangat suka bersekolah di TATTARY kerana ramai kawan dan beliau akan bercerita kepada ibu bapanya tentang aktiviti yang dilakukannya sepanjang waktu di kelas setiap kali balik dari sekolah.

Ketika di rumah, Adik Naqi seorang anak yang manja dan ceria. Beliau suka membaca buku cerita dan bermain lego bersama adik-beradiknya. Rutin harian adik Naqi adalah mengaji bersama ibu bapa dan abang-abangnya. Makanan kegemaran nya adalah ayam goreng dan ayam masak merah manakala minuman kegemarannya pula adalah susu coklat.

Semoga adik Naqi cemerlang dalam semua perkara yang diceburinya dan mencapai cita-citanya suatu hari kelak.



Adik Naqi bergambar kenangan bersama-sama rakan kelas 6 Arif semasa Sambutan Hari Guru



**BORANG PENYERTAAN KELAS AL-QURAN DEWASA
ANJURAN PUSAT PENGAJIAN AL-QURAN TUN ABDUL-RAHMAN YA'KUB (PATARY)**

PERHATIAN:

- I. Silakan boleh dengan tulisan yang telak dan benar-benar semata-mata.
- II. Sila setiaikan 1 salinan kad pengenalan.
- III. Yuhan Penyertaan dikurangkan RM 50.00 setiap bulan.
- IV. Bayaran yuran hendaklah dibuatkan pada sesetengah awal bulan

MAKLUMAT DIRI

NAMA	:
JANTINA	:
NO. KAD PENCENALAN	:
TARIKH LAHIR	:
ALAMAT	:
NO. TELEFON	:
TARAF PENDIDIKAN	:
ALAMAT MAJIKAN	:
PEKERJAAN	:

SILA TANDA '✓' PADA YANG BERKENAAN

KELAS ASAS	:
KELAS PERTENGAHAN (TA'AWUD)	:
KELAS MAHIR (TARAF NUM)	:

PERAKUAN PEMOHON

Saya mengaku bawa semua keterangan di atas adalah benar dan akan mematuhi syarat-syarat yang ditetapkan oleh pihak pengajur.

Tarikh : _____ Tandatangan : _____

UNTUK PERTANYAAN SILA HUBUNGKU :
NO. TEL : 082-443232 / 082-449813 (PUAN HARVATI BINTI MOHAMAD / PUAN NOORMAH BINTI TAIB)
NO. FAX : 082-449815

RM100.00 SEORANG

BORANG PENYERTAAN

* Sila lengkapkan ruang kosong dibawah. Borang yang tidak lengkap akan dicadangkan.

NAMA:	:
NO. KAD PENGENALAN:	:
TARIKH LAHIR:	:
ALAMAT:	:
NO. TELEFON:	:
TARAF PENDIDIKAN:	:
ALAMAT MAJIKAN:	:
PEKERJAAN:	:

UNTUK KEGUNAAN PEJABAT

ANJURAN: LEMBAGA AMANAH KEBAJIKAN MASJID NEGERI SARAWAK
DILAKUKAN OLEH: JABATAN AGAMA ISLAM SARAWAK (JAYS)
YURAN PENDAFTARAN: _____

UNTUK KEGUNAAN PEJABAT:	:
NO. REST:	:
TARIKH TERIMA:	:
TARIKH/COP TERIMA:	:



KURSUS
Dre Dikuhinian